


TNC 172 / 724.42  
4437

7

29506
















Table with 10 columns and 10 rows of faint, illegible text.





觀象玩占戊集卷之十七至卷之二十一

卷之十七

井宿總叙  
日月變異占  
月五星干犯占

客星流星彗孛干犯占  
雲氣干犯占

鬼宿總叙  
日月變異占  
月五星干犯占

客星流星彗孛干犯占  
雲氣干犯占

卷之十八

柳宿總叙  
日月變異占  
月五星干犯占

客星流星彗孛干犯占  
雲氣干犯占

星宿總叙  
日月變異占  
月五星干犯占





客星流星彗孛干犯占

雲氣干犯占

卷之十九

張宿總叙

日月變異占

月五星干犯占

客星流星彗孛干犯占

雲氣干犯占

翼宿總叙

日月變異占

月五星干犯占

客星流星彗孛干犯占

雲氣干犯占

軫宿總叙

日月變異占

月五星干犯占

客星流星彗孛干犯占

雲氣干犯占

卷之二十

經星三垣

太微垣宮總叙

月五星干犯占

客星流星彗孛干犯占

雲氣干犯占

卷之二十一

紫微垣宮總叙

月五星干犯占

客星流星彗孛干犯占

雲氣干犯占

天市垣宮總叙

月五星干犯占

客星流星彗孛干犯占

雲氣干犯占



卷之二十一  
觀象玩占卷之十七  
井宿總叙  
東井八星曰天府一曰東陵一曰天井一曰天閔一曰天門一  
曰天渠一曰天亭一曰天候一曰天齊一曰天池水星也主  
水泉也為天之南門也日月五星貫之為中道主酒食  
女主之象主諸侯帝戚三公之位為天之亭侯主水  
衡法令之所取也平三光行不由其中為天下無道  
雖經之不得留之王者心正則井泉正而明則法度  
正號令明太盛則多風雨有大水暗小不正則國弱政亂  
動搖變色則諸侯廢戮三公受殃移徙則國亂君憂洪水為



動搖變色則諸侯廢戮三公受殃移徙則國亂君憂洪水為



灾鉞一星附井口第一星邊二寸主伺淫奢者而斬之不欲  
其大明大而明鉞鉞用兵起動搖芒角則大臣多死于法者  
星亡則天下大水之五音山五限井泉五而即限於夏

日月變異占平三火不曲其中為天不無節

日在井食雍州大旱人流千里甘氏曰秦地不臣食盡則

謀成不盡則謀不成又曰戒之在供奉之臣陳卓曰主憂國

內亂苛取大行武密占曰陽國弱失地食盡則天大旱

日暈于井多陰雨大風東刻一日天井一日天閔一日天門一

月食在井大臣有謀皇后憂五谷傷陳卓曰國內亂一曰

有兵喪乙巳占曰水衡五伺之官有憂臣誅食盡則兵起以

日占國精建用內信文廷育林然所立如軍錄

月食在井鉞中人流千里

月暈于井海中占曰胡兵起郝萌曰天下有兵又曰王者出遊

來年旱后六月雨水有大赦荆州占曰陰陽不和一曰國有

憂事兵起人流歲入山一曰水官有難

月暈圍井四夷不和月暈井一重四夷不和二重三重陰陽不

和月五星下五

月以三月暈井水大灾傷月而井西器官水患

月以建丑月壬癸日暈有大赦月計井南英圖時

月暈井及鬼其年旱禾不成月計井南英圖時



月行井变色而青國有憂赤有兵旱白有喪黑大水黃有旱風  
月行失入井大水風雨水為灾  
月行井北 夷大飢國亂  
月行井南 夷國亂  
月宿井而霧有水患

月五星干犯占

月犯井刑政不平兵起人主憂乙巳占曰將軍死一曰多風雨  
大水為灾一曰歲荒人飢一曰水官有黜者

月犯井左右星女主有憂

月入井大水諸侯貴人多死荆州占曰有兵起

月食井内亂以日占其國

月犯井中大臣誅鉞鉞用内亂兵起有拔城流血破軍殺將

歲星守井法令急多獄事守之七日天下和平七日以上至二

十日之上天下更改有水灾五谷傷有土工一曰秦國其北

多暴雨石氏曰水守井河水溢黃帝占曰大飢人疾疫却萌

曰大人多病有憂喪一曰將死又曰相亦如之年旱荆州占

曰道上多死人一曰萬物不成又守之金錢易又曰禍成天

文志曰五星守之皆為兵喪乙巳占曰木雷守井其國以仁

致天下

木星守井環繞勾己之有赦

木星入井黃帝占曰有軍在外歲星進則兵退星退則兵進却  
萌曰歲星入東井一南一北一北侯王憂一曰害禾黍稷又曰天



下有土工川瀆之事雷之二十日以上易朔一曰木入井歲  
飢人病乙巳占曰木入井秦亡武密占曰易置天下  
木星犯井若中乘之陳卓曰王者法令急多獄事其年大水人  
飢天下改令郗萌曰其國外內有兵起乙巳占曰人主有沉  
水之事大將惡之有內亂

木星乘井而守之人主有法令水衡之事逆臣為亂將軍死人  
主憂

木星凌犯井芒角相連繞成勾己兵大起國君出走人民十死  
其九五星同占

木星入井居其東五谷不成居其南國君病諸侯多死居其西

小兒多死居其北有改令

木星出入雷舍井三十日天下有水非一國

木星逆行井石氏曰有兵陳卓曰川壅塞郗萌曰人君出入不  
時

木星中犯乘守井鐵鉞用大臣誅一曰賢相死近臣為亂兵起  
熒惑守井三日貴人相戮守二十日以上官中憂水溢六十日  
有大水魚行人道貴相死郗萌曰火守井百川溢石氏曰米  
貴又曰天下有水有絕者大旱大魚死巫咸曰萬物不成一  
曰天下以軍自守一曰火守井南王后死守其西太子死守  
其北諸侯有死者久守之其分民多死



火星守井三十日已上成勾己角動色赤黑貴人多死百川溢  
兵起若環繞勾己之起兵者事成

火星中犯乘井有兵陳卓曰臣有以蒙事坐罪者天文錄曰天  
子以水敗荊州占曰先起兵殃後起兵者昌李筌曰將死郝  
萌曰火犯井南后死與守同

火星入井石氏曰旱其國亂有兵止無兵起大臣當之其  
氏曰其國大凶人民多死石氏曰有疫黃帝占曰牛大疫兵  
器貴一曰山水出海水溢失火有逃亡先起兵不勝

火星以春入井有赦

火星入井中因守之天子宫中失火

火星芒角疾行入井十日相死三十日君死入井六十日不  
火星入井太白隨之米貴道上多死人

火星逆行井貴人死傷有大火災

火星行井若守之成勾己天下兵起天子坐之黃帝占曰火出  
北河成行至井干一星將軍有野死者干二星內臣有市死  
者

火星經井中而南天下易主海中占曰火行井上二丈將軍死  
火星行井七曜常行之道而番守之其國內亂以日辰占何國  
火星出入番舍井三十日不下有破國死王  
火星犯井鉄鉞用大臣誅兵起臣謀主執法者死不出其年



鎮星守井大旱五谷不成黃帝占曰有水災石氏曰不出九十  
日有赦郗萌曰有土工甘氏曰有壅水人多病一曰民飢久  
守之金錢易守其陽旱守其陰水國君死以日辰占國守之  
二十日起兵六十日國破人離

土星舍井黃帝占曰有賜爵者留二十日不行人災

土星入井石氏曰大人憂荊州占曰天下無主天文錄曰兵起  
東北土入井居其中旱出之乃雨

土星入井行陰為水五谷不成

土星逆行井女主不能奉祭祀

土星出入留舍井三十日不下石氏曰水出人流亡六十日不

下兵起有破國死君

土星守井犯鉞星王者惡之一曰大臣誅兵起

太白犯井海中占曰人主浮舡石氏曰將軍惡之乙巳占曰太

白中犯乘井背為國內亂兵起

太白入井石氏曰國失政大臣為亂兵大起天子以兵自守郗

萌曰先起兵者敗天下大水荊州占曰將軍有戮死者又曰

政急民流諸侯舉兵一曰臣有謀上者大臣當其災

太白入井中雷二十日以上天下改改一曰六畜疾兵大起

太白守井黃帝占曰水災一曰米貴將相死兵起石氏曰旱巫  
咸曰君失政大臣有為盜誅者大人忌之一曰萬物不成有



火災却萌曰兵起東南石氏曰太白守井十日不下大人坐  
之三十日不下神水出歲多土工却萌曰太白守井一東一  
西南北亦如男不得耕女不得織

太白凌犯乘井而守之大將誅兵起

太白逆行井有叛臣國易政兵大起秦地大殃

金犯守井鈇鉞用大臣誅國亂兵起

辰星入井天下水災春秋文曜鈞曰蠻君有死者邊兵起期不

出其年一曰有亂臣馬貴星進則兵進星退則兵退

水星入井中守之天下易政

辰星犯井馬暴貴有反臣石氏曰刑法不平歲大惡却萌曰胡

兵起天文錄曰辰星進則兵進退則兵退乙巳占曰水犯守

井角動色赤黑為水起兵色黃潤天子有喜令色惡大人憂

水星守井黃帝占曰大水百川皆溢石氏曰歲早早晚水又曰

法臣相戮一曰胡兵起春秋感精符曰辰星守井去之七寸

守七日以上至十五日天子殺大臣却萌曰五穀萬物不成

金銀易一曰五穀霜死歲大惡之其分尤甚一曰其國大人

惡之

水星出入東井有亂臣

水星當朝不朝東井五穀不登

水星逆行入井天下名水有絕者



辰星守犯井鉞斧用大臣誅兵大起水灾谷不成

客星流星彗孛干犯占

客星入井水旱為灾秦地喪亡一曰外邦有使來獻食物者一曰五谷不成米貴一曰有陂隄若水事一曰有水敗道路不通邾萌曰君失政臣為乱大人當之一曰宮中憂火荊州占曰貴人死多奇令火神從天下妖祥自地多出失火黃帝占曰客星入井雷十日成勾已有贖罪之令

客星犯井國有大土工小兒妖言一曰國乱兵起荊州占曰其國用兵大臣誅期八十日又曰貴人多火灾邾萌曰百川溢一曰有客以水令來言者天文錄曰五谷不成米貴

客星出井宮中火起大臣為乱兵大將軍憂有白衣自立者尋不成一曰水大發石氏曰有旱虫生人多病一曰貴人死巫咸曰貴人之女有懷子而化為水者邾萌曰多火灾一曰有百川溢男女不得耕織

赤星守井若入之貴人有疾一曰有族誅者宮中有憂

黑星入井若守之大水有水令

客星經井而過天下多水有絕者

客星守井鉞斧用大臣誅一曰有兵將軍為外兵所擒士卒多傷死以星所居及其出之南北及其日辰占同

流星入井水與城平天文論曰有使從外來言水兵事武氏曰



其分飢民多死乙巳占曰其國以水來亡期三年  
流星出井其所至國大水武氏曰天子有水事乙巳占曰多水  
有絕者

流星犯井大臣誅其國有兵期百八十日乙巳占曰流星大而  
光冲犯井有大使至主大憂春夏犯秦地亂百川溢秋冬犯  
赤宮中憂人多死魚鹽貴

流星色赤黑出入井其地有水民流亡

流星出柳入井天子浮舟

彗孛出井有奸臣在君側其國大水兵大起軍在外則有戰有  
死將其國大人死三十日不沒將當之四十日不沒相當之

七十日不沒君當之却萌曰彗孛出井兵起國亡

彗孛犯井其國用兵大臣誅期百八十日武密占曰宮中有亂

秦地兵灾國易改

雲氣干犯占

青氣出井如大井口上拂參而行入河中大水沒城墉期二十

日遠十日

黃白雲氣入井有客來言水澤之事

赤雲氣入井大水不則疾疫亦為旱

蒼白雲氣入井有女主惡之

蒼白氣出井有水令入井民大疫



赤氣出井天子以水行兵

赤氣入井大賊水中起

白氣入井大雨水

黃氣出井天子以澤泉之利養民

黑氣入井多疫喪天下水道無行華

恒以正月朔夜候東井上中下有雲氣潤澤則其歲多滂農  
家不可失其此占

漢桓帝永壽三年四月戊寅熒惑入東井口中占曰大臣誅后  
二年四月大將梁冀以罪誅

晉惠帝永康二年二月太白出西方逆行入東井占曰國失政

大臣為亂是謂時齊王罔起兵討趙王倫咸罔擁兵不朝專  
權淫奔明年誅死

太安二年七月熒惑入東井是歲冬成都河間王攻洛陽八月  
長王奉帝出拒二王兵攻闕下

永興二年九月歲星守東井占曰有兵井秦分是年荀晞破公  
孫師蕃張房破范陽王楨關西諸將攻河間王顥是東海

王迎殺之

孝武帝寧康三年六月癸卯太白犯東井占曰秦地有兵元年  
符堅破涼州

鬼宿總叙



鬼四星曰輿鬼一曰天目主自明察奸為朱雀頭眼一曰天鈇  
鎖主誅殺一曰天廟主祀事一曰天訟一曰天貴一曰天墻  
主疾病死喪土星也其中為日月五星中道其東北星主積  
馬東南星主積兵西南星主積布帛西北主積金玉有變則  
占其所主其中央白色如粉絮者謂之積尸氣一曰天尸主  
死喪祠祝亦曰鈇鎖主刑罰主誅斬天尸如雲非雲如星非  
星見氣而已不欲其明、則鬼害人多鬼死其外四星欲其  
明、則五谷成不明則民散移徙政急民愁動搖則後重其  
殃為君死國亡連年水害鬼有欲其不明則安若明則兵起  
臣謀主民流亡動搖則疾疫兵水之災並起人死麻甘氏曰  
積尸動搖失色則疾疫大起鬼哭人荒

日月變異占

日在鬼食國有大喪天下不安一曰皇后貴人憂一曰秦國君  
當之

大喪

日暈于鬼其分有兵武密占曰大臣誅不則有廢黜者一曰有

者天下不安

月在鬼食貴人憂一曰后有憂不出一年武密占曰大臣有誅  
月暈于鬼石氏曰黍貴三倍海中占曰大旱歲惡荊州占曰有  
兵不戰一曰其分旱粟大貴一曰歲惡多雲電霜雪多死



人不辨一曰其令早來大貴一曰為多雲雷霹靂之天  
月以夏三月三暈鬼大雨五谷不成在月初為始  
月以正月上旬暈鬼有赦期三十日却萌日月以一月兩暈多  
死人身貴人憂一曰或百憂不出一曰或百憂不出  
月以夏三月暈鬼多大霧多雹多雨水有虫災一暈為寒再暈  
為水三暈大水五谷不成曰大暈不雨百憂不出  
月以四月七月十月暈鬼中出氣皆為人死東行為老人南行  
為丁壯西行為老嫗北行為年少皆期九十日一曰月以正  
月上旬暈鬼有大赦一歲再暈鬼亦有赦期一百八十日  
月宿鬼而霧有戰主人不利此星哭人黃

月五星干犯占

月犯鬼民疾疫却萌曰兵在外將死一曰大臣誅國有憂武氏  
占曰貴女主憂天下不安諫臣憂

月犯天尸亂臣在內陳卓曰國內亂大臣誅一曰秦邦君有  
憂

月入鬼人主憂財宝出一曰人多病死從南入為內從北為女  
從西為老人棺木貴

月食鬼女主憂貴人死有大喪謀臣憂絆彈之官凶

月食天尸其分兵喪土工起鉄鎖貴

月犯鬼西南星布帛貴有錢令犯西北星金玉出犯東北星馬



多死犯東南星兵大起

歲星守鬼巫咸曰天子賜諸侯金玉錢帛石氏曰人主有祭  
祀事却萌曰五谷傷民飢人主以命終人多病枉死者天  
文論曰外邦諸侯未朝者

木星守鬼十日以上金錢大出

木星守鬼西南星五日以上秦漢之地有反者海中占曰木  
守鬼出其北早出其南多雨水五谷熟出其左右貴親坐  
之又曰木守鬼角動有謀逆者色黑事不成伏誅石  
氏曰木守鬼五十日不下民有大喪百八十日不下民半  
死木守鬼居東北麻豆成居東南豆桑熟居西北黍稷不

成居中央歲凶乙巳占曰木入鬼守之十日以上令散于諸

期六十日若一月

木星入鬼相黜或貶死巫咸曰木入鬼留十月以上金錢大  
散石氏曰木入鬼大臣誅一曰亂臣在內又曰國有喪有妖  
言小人在位天子失御

木星入鬼食天尸石氏曰天下死者大半王者疾有兵又曰國  
有大喪諸侯臣有戮死者荊州占曰亂臣有在內者兵起有  
屠城一曰在丑月則災甚

木星逆行鬼其君不聰明用度無節石氏曰木逆行鬼出  
其南男子災出北女子災出其左右貴人災出其中天



子當之逆入鬼犯食天尸則有大兵鈇鉞用大臣誅天下有積尸若在十二月其灾甚大一日木逆行守鬼色怒者先憂後喜

木星犯鬼谷傷人飢王者以疾終近布帛發布帛近金玉發金玉近馬發馬近兵發兵犯約七寸守約三日他准此

木星去五諸侯入鬼諸侯世子有死者期六十日去天高入鬼大人死不出百二十日  
木星留舍鬼處其東北麻豆成稻不成舍其東南豆麥成人有喝死者舍其西南天下多死喪舍其西北黍稷成麥不成旱

蚕惡晚蚕吉黃帝占曰女主失勢一曰國有喪大臣誅其氏  
曰執法者戮荊州占曰忠臣戮死不出一年石氏曰旱大火大臣憂一曰女大將死兵起

火星入鬼大賊在大人側一曰有兵喪金玉用有大赦黃帝占  
曰財宝出物貴天下大疫

火星入鬼犯天尸其氏曰天下兵起大戰流血有沒軍死將三十日不下有大喪人流亡死者大半期三年黃帝占  
曰火入鬼中留二十日以上兵起大戰多死者仍有大疫  
石氏曰火入鬼中五日后死七日相死四月國君死巫咸  
曰火入鬼將相有誅死者一曰有内亂兵大起有屠城白骨



滿野

火星舍鬼君疾病人疫應在衝方却萌曰風雨不時多霜雪舍西北妖婦多死舍其中小兒多死病頭目痛舍東北長年多死有大水舍東南老人多死

火星出入留舍鬼五十日不下國有水傷空邑

火星守鬼黃帝占曰女主病留十日諸侯王夫人當之留二十日太子妃當之東去病在孔竅不利南去在頭西去病在手足北去病在陰又曰火守鬼東南七日少年病守十日老人病守其中君憂却萌曰火守鬼東北男子兵相殺守東南民多死守西北夷狄叛有反軍守西南人主惡之

秦地有反者

火星守鬼南有男子喪守鬼北有女子喪守北七十日天子女主疾守南七十日天子男子疾荆州占曰火守鬼東北星棺木貴守東南星五穀貴西南星錢金貴守西北星鐵器魚鹽貴皆百倍石氏曰火守鬼貴相戮一曰國有祭祀事一曰天下大疫貨物皆貴巫咸曰有兵、罷多水災五穀皆不成一曰有火災一曰執法吏有坐罪者一曰出其南旱出其北水

火星守鬼已去之復還居之大國之君凶

火星出入留舍鬼成以至尊失宗廟期六十日若百八十日



火星逆行鬼有大灾自柳还至鬼人相食一曰女節主不節淫慾

火星經鬼中東行还其北角外國有逐王来降者

火星逆行犯守鬼成勾己王者惡之兵起金錢玉帛散出將軍有戰者期不出其年

火星入鬼而守其中天下白衣之聚土工與

火星中犯乘守天尸皆為國有大喪兵在西北有沒軍死將若以十二月從西来入守之則人多死大臣被誅他月則灾輕若環繞勾之國有大憂天子皇后皆凶兵起有赦且土工

鎮星犯鬼甘氏曰人君必有所戮天文論曰其分有喪一曰人主惡之一曰宗廟改

土星逆行犯鬼女主奢淫用則過度若女主貴戚有憂

土星入鬼黃帝占曰有兵石氏曰大臣有誅者郤萌曰天下大疫一曰有戮王南官侯曰主謀臣巫咸曰有土工

土星入鬼守之王者憂財宝出乱臣在內有干鉞鑄者乙巳占曰人民多病南入為男北入為女西入為老人東入為丁

壯棺木貴

土星入鬼犯天尸王者惡之甘氏曰皇后憂大臣有誅留之五十五日不去天下大旱大疫人死乙巳占曰不出七十日有



大喪在陽為君在陰為后左為太子右為貴臣

土星守鬼石氏曰大人憂宗廟改巫咸曰后宫有憂天下旱物不成土工與郗萌曰天下受賜財寶出又曰土守鬼大疫守西南西南病守西北西北病守東北東北病守東南東南病守其中星天下皆病郗萌曰土舍鬼中有赦

土星出入留舍鬼大旱大疫布帛貴天下人多死未視其所從入去視其所從出以言其人及其罰灾之方

土星守天尸其分有積尸以入日占國

太白犯鬼財寶出各以其所主言之

太白犯天尸將軍戮一曰執法者誅

太白入鬼荊州占曰將軍戮陳卓曰兵起郗萌曰大人卒事歲惡婦人多懷子死者一曰乱臣在內兵起有屠城南官侯曰國有大喪有戰大人死白骨滿野無有葬者一曰天子以罪斬大臣天下旱一曰病在女主

人君俱憂

太白守鬼石氏曰有兵旱多火灾萬物不成五穀不登郗萌曰太白守鬼旁女主病有祭祀事民灾番二十日以上女主死海中占曰太白出其南為水出其北為旱

太白行鬼成勾已環繞之國有死王大臣有戮死者五十日不



下民疫大半

太白入鬼守天尸兵起將軍憂國有喪下臣逆謀石氏曰近臣  
叛有廢王一曰殺大臣天下死喪

太白舍鬼西北石氏曰婦人多兵死舍東北却萌曰天下多梟  
死者舍鬼中左右臣有伏劍吞藥死者

太白與鬼聞其下有反臣

太白出入留鬼久不下人多疾死國兵起

辰星犯鬼五谷不登兵起一曰隨星所主為天子所費

水星犯天尸貴臣有罪死兵起

水星入鬼貴臣憂執法者誅有水災却萌曰兵起將軍憂人多

死大人卒事荊州占曰亂臣在內兵起有屠城陳卓曰垂

夷之君有誅一曰大臣有謀人主憂財宝出大臣有謀死

者

水星入鬼食天尸君與貴臣俱憂民大憂視其出入與金

同占

辰星守鬼天子不恭祭祀五谷不成人多病民飢流亡國  
多誅殺一曰人多耳疾大人有殃天下多兵死者海中

占曰水守鬼出其南水出其北旱却萌曰水守鬼三月后夫  
人病二十日太子妃病十日諸王夫人病

辰星守鬼西南秦蜀有反臣兵起



辰星守鬼大水蝗虫起守十日以上侯王有誅者

辰星之鬼天下有瘟病

客星流星彗孛干犯占

客星出鬼巫咸曰其國有喪出其南為君出其北女為主左為太子右為庶子石氏曰有盟詛鬼神祠祀之

事于國外

客星入鬼石氏曰有盟詛祠祀之事于國內夏氏占曰王者天下人多病却萌曰多死喪人相食一曰鈇鉞用大臣誅人主有憂巫咸曰客星入鬼居天尸南男子多死居其西老人多死居其東丁壯多死居其北婦女多死居其中兵起天下人

多死兵器馬魚鹽貴百倍

客星守鬼甘氏曰國君非次自立者必敗亡天文論曰其分君憂金玉貴天下大人疫多死四星隨其所主為天子所發

客星守鬼石氏曰秦國有奸臣欲危其主巫咸曰人君大人有大憂甘氏曰國有大喪守之五十日不兵大起將軍戰于野有死者期不出一年却萌曰客星守鬼多土役牛馬貴有更改之事民不得耕織荊州占曰守東南星谷貴守西南星金鈇貴守西北魚鹽大貴一曰客星守鬼天下有喪陽為君陰為臣后右為貴臣左為太子又曰客星守鬼西若從



西入老人死守東若從東入女壯死客星居鬼中天下棺木  
貴人主惡之

流星入鬼國有宗廟祠祀之事外邦來貢

流星犯鬼天子威政斬奸春夏犯政不明秋冬犯天子多  
疾病

流星出鬼天子使出外有宗廟祠祀之事死喪之事

流星交抵鬼中國與西南交戰

黑出鬼所之中地多病入鬼秦人多病

奔星有光如火散行鬼上下大臣受賜期六月

彗孛出鬼名曰喪樓有大兵大疫積尸暴骨不出三年

彗孛犯鬼國內亂天下兵行有大喪

雲氣干犯占

黑氣入鬼大人皇后皆有憂

白氣入鬼人疾病

黃氣入鬼有土吳造陵墓

赤氣入鬼大旱有火災守墓官憂

漢景帝四年七月癸未火入東井行陰又以九月己未入輿鬼

戊寅出占曰為誅伐又曰為火災后二年有粟氏事其后未

央東闕災

武帝建元六年熒惑守輿鬼占曰為火災有喪是歲高園火災



竇太后崩

明帝永平十三年閏三月丁亥火星犯鬼占曰為大喪所犯有星為大臣誅其年十二月楚王英坐謀逆自殺

和帝永元十六年七月庚午辰星在鬼中占曰為死喪后一年帝崩

安帝永初三年六月癸酉太白入鬼占曰將凶其后中郎任尚坐贓棄市

順帝永和三年八月甲寅辰星入鬼是歲征西將軍馬援擊于西羌父子俱戰沒

桓帝延熹七年八月庚戌熒惑犯鬼有星八年二月太僕南鄉侯左勝以罪賜死其弟中常侍上蔡侯惲北鄉侯黨皆自殺又荊州刺史芝之等坐為賊所拘畧桂陽太守任胤皆敵走皆棄市



觀象玩占卷之十七終

觀象玩占卷之十八

柳宿總敘

柳八星為朱鳥喙一曰天相一曰天庫一曰天注亦作味  
一曰天大將軍一曰八臣一曰天厨主御膳酒食倉庫  
和鼎實以享宗廟又主雷雨主工匠主草木火星也一  
曰土星其北六尺為日月五星中道其星欲明則大  
臣鎮星入豐酒食王者安厨膳具不明則王者失政宮  
中不安注舉首則主命行賢佐出直則天下謀代注就  
聚則兵滿野動搖則大人以酒食死失色則天下飢饉  
開張則人流亡



日月變異占

日在柳食王者有病不安其宮石氏曰厨官憂甘氏曰戒在門  
戶橋道之臣若今衛尉是也一日鳥戰死  
日暈于柳厨宰之臣黜石氏曰五谷不成人飢蜚鳥多死  
月在柳食大臣有憂甘氏曰虞水官黜却萌曰人飢相食一日  
天子有疾疫不安其宮乙巳占曰貴人百姓有以言坐罪者  
一曰其有凶  
月暈于柳人飢無食一日天下土工與却萌曰有獄事其地旱  
疫一日林苑有兵石氏曰秋禾茂若有兵戰人多死又曰米  
貴飛虫多死

月暈圍柳不出三十日兵圍城巫咸曰月暈柳三重大臣有死  
者兵起不戰有水灾民流徙一日有赦

月一月三暈柳大臣死有水民愁

月以寅月暈柳有赦

月宿柳而霧人多陰病

月五星干犯占

月犯柳土工與名木伐一日大臣憂黜却萌曰有軍在野將死  
無軍則其國憂其下有建祠宇起土木者

歲星守柳石氏曰天下歡娛五谷豐熟久守之則人飢巫咸曰  
多水灾五谷萬物不成却萌曰多獄事中兵有反者乙巳占



曰木守柳貴臣得地有德令

木星入柳石氏曰天下大安諸侯有慶五谷蕃熟百姓康寧歌舞以行若失行或变色則天下以飢兵起

木星居柳海中占曰五谷熟

木星與柳同光其國大強

木星出入番舍柳九十日不下國有兵大將死

木星犯柳多水灾谷不成石氏曰木犯柳東晚谷不成犯其南有易君犯其西民疾老人妊婦多死犯其北貴人徙一曰易相又曰木犯柳處其南地動處其西大水一曰大人憂

木星逆行柳為疾病亡行其陰女子灾行其陽男子灾行其左

右貴戚灾行其中君當之

木星逆行守柳齊反臣中外兵起

木星與火同守柳木星色赤白郊内兵起黃白五谷傷黑水灾赤角兵起近期三十日遠六十日

熒惑守柳黃帝占曰王侯不寧石氏曰中外有兵有逆臣在君

側巫咸曰天下旱多灾萬物不成五谷大貴一曰羊貴臣有

奉主命者一曰王者治宮室民多病宮中失火守之一百二

十日以上民大飢君失國守之三十日以上君有憂一曰讒

臣亂國外兵有來攻萬家邑擄荊州占曰熒惑迫守柳天子

宮閉却萌曰火守柳聖人在南因火以夏六月守柳國失地



民飢流亡

火星柳石氏曰有土工事名木多伐黃帝占曰有導主為非以  
亂其國者又曰天子以飲食為事不安社稷却萌曰熒惑芒  
角色赤天下有亡君死將

火星入柳黃帝占曰大人禦守巫咸曰諸侯有慶賀事却萌曰  
國有觴客事南官侯曰麻貴在后年一曰天子戒飲食

火星入柳而順去之天下有兵止若番之二十日以上有負  
海之客來

火星之柳天子以四夷為憂

火星逆行柳侯王不寧天下多火災

火星番柳荊州占曰供奉者非其人

火星以建辰月舍柳不芒色怒赤左右倚兩旁其冬地大動民

大恐兵大起三年方止

火星出入留舍柳有妖言國敗三十日不下天下有急令天子

大憂土工大將誅死國亡

鎮星守柳君臣和同天下大喜久守之天子慎飲食却萌曰萬

物不成天下大飢多疾病一曰中兵作亂海中占曰宮中大

亂相驚有土工事一曰女主不敬祭祀多水災乙巳占曰防

食官為逆

土星入柳天子喜若不由正道而入國有旱火災



土星逆行入柳地動山崩色怒芒角四十日不下天子宫中有兵

土星犯柳其氏曰其國早有火災石氏曰土工與名木伐一曰周地有兵

土星出入留舍柳有急令丹青貴石氏曰鎮星舍柳不旱即水

太白守柳石氏曰大將出戰勝有喜國益地

太白去柳一尺臣專命作中以利社稷勿患近而守之久若失行变色小旱傷五谷海中占曰兵大起一歲罷南官侯曰有反臣中外有兵齊伯占曰秦兵且至巫咸曰

急兵有變令下凌上君弱臣強賊謀主却萌曰人多病枉又曰胡不安

太白犯柳南官侯曰有水工事名木伐一曰有急兵強臣有變更之事人君惡之

太白入柳却萌曰兵起四方大臣守禦南官侯曰兵大起有得地者

太白逆行入柳成勾已下刑上臣謀主民相敵仇多暴骨死春

秋文曜鈞曰人君殘百姓戮良臣

太白提柳黃帝占曰歲不收若出入荊州占曰有陰謀辰星守柳黃帝占曰歲不收其氏曰王者賜客飲若國有貴客



郗萌曰人主慎飲食防毒藥又曰齊臣中外反兵起一曰有旱谷貴人多死一曰舟舡相望在北方若處其陽則為大旱為死喪處其陰則為火傷乙巳占曰水守柳貴臣得地后有德令期九十日  
水星犯石氏曰有木工事名木伐一曰馬貴天文論曰君慎飲食一曰民相仇怨  
水星入柳海中占曰以水起兵乙巳占曰天下先潦后旱米貴  
荊州占曰下刑上子訟父  
客星流星彗孛干犯占

客星犯柳周地有灾期九十日

客星出柳兵大起水人主浮舟天下飢人流亡不出其年遠二年一曰臣蔽主明名木出諸侯有誅者

客星入柳兵大起天下大恐布帛繒帛貴郗萌曰兵澤起道路不通又曰太師有傷南官侯曰客星色赤角入柳地大動

赤星出柳執法者遇賊

蒼星出柳邊諸侯兵起

客星守柳庫兵大發天下有為王者郗萌曰南宮有變一曰牛貴胡人為乱天下有弓弩聚魚鹽貴荊州占曰綠麻羊貴一曰大人棄其糧



客星經柳山木盡伐

客星舍柳兵出得地既得之還失之乙巳占曰客星犯守柳天

子賜邊臣地

流星出柳天子惡之天文論曰周地有憂木工用乙巳占曰名

木出者一日天子有宗廟事武密占曰多雨水

流星犯柳周國亡期九十日春夏犯天子發急使冬犯后室口

舌事起內有奸私事

流星入柳名木伐一日王宮火災天厨之官憂乙巳占曰名木

有未貢者

彗孛出柳兵起臣為逆大旱殺貴臣武密曰庫藏災

彗孛犯柳乙巳占曰大臣誅國亂兵強臣凌主天下危有大旱

多飢死期三年遠五年

彗孛行犯柳黃帝占曰有兵喪強臣喜躍南夷叛

雲氣干犯占

赤雲氣入柳有火災出柳大旱

黃雲氣入柳期五十日有赦一日黃氣入柳天子造宮室土木

大興黃氣出柳有赦

黑氣入柳天子宫廟木腐敗

白氣入柳天子造宮室

蒼白氣入柳有憂



白氣出柳國有憂兵出其境

黃白氣出柳天子出美木作宮室入柳得美木

黑氣如鋒刃刺柳三夜不散大人憂

星宿總叙

星七星一曰天都一曰員宮一曰天廷實為赤地府位于午主  
衣裳黼黻文綉是為朱雀之頸周禮鳥旗七旒以象鶉火  
謂七星也一曰天御一曰注侯一曰津橋后妃御女之位亦  
為賢士又為烽亭主急兵守盜賊水星也一曰火星其右星  
北上十三尺為日月五星中道七星大明王道行人主昌暗  
小則賢良不用天下空虛吉士遁藏動搖則兵起不明則執

政不平天子疾病離徙則天下易政室家殊計芒角動則后

妃人主憂

日月變異占

月在星食虧太陽王者不安其國一曰為兵飢婦人灾其氏曰  
戒在橋門之臣石氏曰天下賢士不用大臣乱人主惡之兵

起期五月

日暈于星皇后廢其分君憂鳥獸多死

月在星食虧太陰皇后憂冀州大飢一曰大臣誅又曰主祠之  
官憂黜海中占曰其國更改兵在外戰

月暈于星巫咸曰女主黜大臣憂獄事其分早天文論曰主獄



官凶有兵小戰蜚多死一曰民多大傷草木再榮  
月宿七星而霧民分

月五星干犯占

月犯七星有兵在外戰海中占曰輕車戰却萌曰掌食臣有誅

者國有憂將軍死一曰臣為亂一曰王后大臣有憂大飢一

曰易相

月入七星其國有兵戰破軍將死

歲星守七星黃帝占曰天下安王道昌五谷熟久留之不去五

谷傷有反巫咸曰旱多火災萬物成無實有兵飢却萌曰中

兵起天下大憂

歲星與七星同光五谷大熟

木星守七星荆州占曰五谷多傷天下盜起甘氏曰有易置太

子者武密占曰木入守七星兵起

木星舍七星甘氏曰王者獲福却萌曰歲星居七星天下

和同

木星出入番舍七星却萌曰年豐处其西水陳卓曰其國以羨

致天下

木星犯七星陳卓曰天子憂兵功臣受封海中占曰使滿道臣

下謀上

木星逆行七星王者衣服非度却萌曰地動



木星逆行七星若守之處其南地動處其西大坐之處其北貴人徙黃帝占曰木逆行犯守七星逆臣為亂

熒惑守七星春夏為大陽若以十月入之守七日以上大人愁守二十日以上憂水災人飢大亂黃帝占曰火守七星天下有兵若社稷傾亡宮中棘生荊州占曰守之四十日人主忌之河圖曰火守七星二陽同居其歲枯旱五谷不成守之百日三年不雨却萌曰暴巫移市金鼓大動鬼神不享一曰國有大徭役民苦南官侯曰有咎却萌曰有反臣中兵起石氏曰地動津梁不通天下有憂

火星犯七星臣為亂海中占曰民苦徭役津梁不通

火星入七星其氏曰有易政置太子者巫咸曰天子有觸客事一曰大人齊疾國有徭役

火星留七星却萌曰天下大憂中央

火星出入留舍七星却萌曰國失地天下亂臣下衣服非度齊伯曰其地多喪有水多土工更紀

火星與七星合人疾疫石氏曰君惡之

火星入七星而犯守之春秋感精符曰人主憂大臣誅者齊大客貴臣有繫者五十日不下民多死人主有急令不出其年荊州占曰火十月入犯守七星民多死春入之其君沉湎于酒有易主



火星逆行七星地動有火災

鎮星守七星天下安王道行其分有福久守不去則五谷貴人

主出不還石氏曰土入舍守七星有遷王有立后却萌曰有

反臣中兵起有赦一曰旱

土星出入留舍七星五谷大貴留之五十日不下兵起負海國

大敗却萌曰天下大憂在中央

土星入七星甘氏曰有易置天子者

土星逆七星大旱又齊水災

太白犯七星二十日以上黃帝占曰有急兵一曰有死君有亡

國一曰兵津橋者凶巫咸曰水災萬物不成却萌曰國失政

大人當之南官侯曰有反臣中有兵

太白守七星去之一尺守之三日若五日順軌道而去之將軍

出戰勝益地以入日占國

太白犯七星臣作亂却萌曰大起有暴巫移市一曰國

失政大臣當之巫咸曰水災五谷不成天文論曰其

分有暴兵

太白入七星甘氏曰有易置太子者

太白經七星過之民非吾民當齊詐為王者

太白提七星出入歲早惡

太白出入留舍七星三十日不下兵且起六十日不下必有破



國亡王死將八十日不下兵三年不止有急令期不出其  
年

辰星守七星三十日若二十日已上大水大臣凶法官有坐罪  
者郝萌曰有反臣中外有兵久守之不去有同姓謀為王者  
石氏曰民多疾一曰民流千里一曰兵內起

水星犯七星臣為亂一曰賊臣在君側一曰民疾病多流亡死  
者

水星入七星有人君置太子者  
水星之七星天下大勞百姓多流亡

水星留七星郝萌曰天下大憂、在中央  
水星守七星芒角動搖甘氏曰天下奔兵三年乃解又曰萬物  
不成

客星流星彗孛干犯占  
客星流彗孛干犯占

客星出七星君以急事遣使以色占其吉凶以星所往占  
其國

客星出七星而守之石氏曰王者不親其子天文論曰河水溢  
民流移徙

客星入七星石氏曰客有以急事來使者以色及其所從來占  
之郝萌曰有君置太子者有奇令一曰色赤宮中憂火色黑

貴人憂



客星守七星布帛麻象貴津梁絕南官侯曰山水溢河水決  
人流亡去其鄉或曰天下變更石氏曰周地有大賢守之三  
十日不去天子廷中有賊國易政土工與馬鹽貴麻不收又  
曰青黑色為人疾病白色為死喪乙巳占曰客星守七星兵  
大起多水潦道路塞溝洫不通

客星犯七星五谷不成留舍不去宮中憂火災

流星出七星內庫金帛出一曰王者以急事遣使期百八十日  
若一年

流星入七星有急使來一曰內庫官有喜錦綉進女用乙巳占  
曰天下更令有徙人期三年若流星双入七星五谷不熟春

夏犯第三星兵大起秋冬犯之水災王者憂

流星犯七星國有兵不出百八十日天文論曰其邦有憂口舌  
之事七星為天都凡流星出入皆為財帛之事

彗孛出七星甘氏曰國有叛臣人主不安兵起宮中大臣戮死  
且有大水一曰星孛在七星期三年聖人出

彗孛犯七星邦有亂臣一曰大臣相疑一曰國主不定宮中兵  
起大臣死非其罪近期七十日遠倍之

彗孛出七星張之間狀如布從風而靡此為兵戒之熒惑之變  
也其占為君失政臣弄權兵起

雲氣干犯占



蒼白雲氣入七星大人憂

赤雲氣入七星中兵起也若有客來必有兵隨之

赤雲氣如波揚入七星中火氣也宮中有火災四曲五曲后如  
惡之

蒼白雲氣出七星天子有急使出其氣四曲而不正有亡

臣

赤雲氣出七星天子使出亦有兵隨之出

黃氣出星天子有賜于諸侯氣見而大風隨之者有赦

黃氣彷彿入星外國有貢獻

黃白氣潤澤入七星遠人來貢

黑氣入七星賢人多死出之禍除

白氣入七星國有死喪

雲氣入七星如蜚鳥喙七星大人憂有群猾起



觀象玩占卷之十八終

觀象玩占卷之十九

張宿總敘

張六星為天府一曰御府一曰天昌實為朱鳥之喙火  
星也主天廟明堂御史之位金玉珍寶宗廟所用之  
物天子內官衣服遠方貢物之庫主天廟飲食賞賚  
之事又主長春萬物其北十三尺為日月五星中道  
張星明大則人主昌天下治民物阜蕃五禮修厨養  
其暗小不明則五禮失天子多疾病火子孫移徙則  
天下有逆民就聚則兵起失色則宗廟不安明堂禮  
廢動搖則有賜于之令



日月變異占

日在張食王者失禮于宗廟甘氏曰戒在山澤汙池之臣若令水衡也石氏曰后失勢貴臣憂期七十日荊州占曰庫官黜武密占曰掌御膳憂之

日暈于張財寶大出將相憂其分君凶

月在張食大水魚行人道甘氏曰后失勢貴臣凶郝萌曰其地旱人相食石氏曰虞人有黜者

月暈于張大水黃帝占曰蜚鳥多死郝萌曰地不茅旱焦陳卓曰五谷及塩貴一曰法守無定巫咸曰宮中疾疫后妃惡之一曰海鳥出

月變于張天子慎飲食

月宿張而霧王者惡之

月五星干犯占

月犯張郝萌曰將憂國災一曰貴人失勢后有憂一曰其分君當之武密占曰大臣有罪者一曰有嚮客蜚虫多死

歲星守張三十日已上至百日陰陽和太豐年君臣同心天下太平武密占曰木守張十日至有三十日不去天下安寧甘氏曰木守張二年天下昇平石氏曰木守張人多疾疫郝萌曰木守張南地動六畜貴守其西大水守其東大旱又曰國



政急民有千里之行一曰貴人死

木星入張石氏曰歲豐天子有慶賀事巫咸曰旱萬物不成多

火災

木星出入留舍張三十日不下有兵五十日不下更立侯王

木星居張歲和熟

木星逆行張人君衣服非度好樂淫佚却萌曰有反臣中兵起

逆行守張人疾疫心多腹痛

木星犯張王者政令急民有千里之行

木星與土合于張荊州占曰歲不和貴人多內喪一曰

大水六年却萌曰天下變憂盜賊一曰天下易令民

流千里

熒惑守張石氏曰天下有歸兵一曰國治宗廟封功臣久守之

國亂其分起兵米貴黃帝占曰大將有千里之行大水五穀

不成一曰土工作兵役不時百姓怨誹春秋孝異却曰諸侯

反一曰國政不平民多訟兩場失時谷水不通歲凶民飢有

千里之行却萌曰有反臣中兵起石氏曰女主同倭用事兵

起宮中生荆棘又曰國倉空巫咸曰有大客遠來石氏曰火

入張大亂兵起若以六月入之國空巫咸曰火入張君有觸

客之事南宮侯曰火入張而心守之國有急兵甲聚大憂將

軍死



火星逆行張邾萌曰地動有火災陳卓曰功臣憂

火星逆行犯乘張大亂兵起

火星中犯乘張黃帝占曰水灾谷貴

火星與張合其國不可舉兵革

火星犯乘張而守之天下有兵宮門閉天子有急五谷不成人

大飢故曰火居張人絕糧

火星出張中大旱五谷大貴

火星留張臣下衣服失度甘氏曰熒惑失次守張當去而不去

未當去而未其色大赤國舉兵從之得其次者無外

鎮星守張甘氏曰天下大通不用閔梁一日天下和平宮中有

喜一曰土守張色青天下道路不通婦人多死一曰

多盜賊人民變惡兵火起並巫咸曰土守張三日其

事微三十日其事大其國諸侯有謀大臣伏法死石

氏曰五谷不登人多病邾萌曰有反臣中外兵起南

官侯曰土工興

土星出張兵起北方東國失地

土星入張天文錄曰兵起一曰梁宋之間有凶乙巳占曰天下

大盜劫阻閔梁宗廟惶

土星入番舍張為陰陽民流千里石氏曰魚鱉死于陸道民

憂盜賊橫邾萌曰甲兵尽出土工興在秋冬仲月一日処其



陽大旱其陰大水人災

土星逆行張石氏曰女主亂却萌曰女主飲食不度逆行犯守  
之女主荒宴宮中無礼

太白守張石氏曰國易政天下搔動巫咸曰多火災五谷不成  
一曰其國有兵謀不成天下以空發兵其氏曰兵  
起不行一曰先旱後水飢饉南官侯曰反臣中外  
有兵一曰下凌上君弱臣強奸臣賊子謀弑其君  
一曰人多病狂

太白乘犯張守之三日以上至七日將軍內反賊臣在側

大白中犯乘張石氏曰車兵滿野有亡國天下易政

太白出入留張兵起在其國之分

太白提張出入相擅權謀主

辰星守張天下大水有兵多病死其氏曰貴臣專國天  
下不寧巫咸曰百谷不成却萌曰有反臣中外兵起  
又曰夏麥不收大飢民多爭訟一曰有更令石氏曰  
辰星守張若有芒角有臣傷其君色赤為諸侯之客  
起于宮中毒者

水星逆行守張人飢且病

辰星守張春秋圖洽曰有賢臣在側可為卿相者

辰星出張中有敗臣入張有大火



辰星入張守之郗萌曰是為水入火為逆理犯上不安下謀上多聞訟若有疾疫

客星流星彗孛干犯占

客星守張天下飢國更主人民散走一曰米貴在張中之分貴百倍天下流亡石氏曰周楚有隱士或曰外邑有變海中占曰客星守張滿三十日有亡國死王臣謀逆小人謀貴禍及嗣子期三年郗萌曰先起兵者利后起者不利一曰食中有毒一曰有來獻食物者天子酒大出一曰天子以憂敗弓矢貴國人憂食

客星出張白衣同姓自立者天下更令有徙民君使人于

諸侯

客星出張中其色黃君好畋獵色黑君死一曰客星出入張兵起國飢

客星入張君有賜客之事一曰有使來以五色占石氏曰國治宗廟期二十日有憂男子急巫咸曰米貴人徙殺郗萌曰諸侯有來賂遺君臣近者荊州占曰政急人若民死邊塞

客星犯張天子以酒為憂

客星舍張去前將軍有陰謀兵起

流星入張諸侯有來貢者一曰天下更令有徙民天文論曰有



犯上近臣憂

流星出張諸侯有受賜者

流星出入張天子以宗廟社稷事赦

流星犯張厨官有事一曰病夏春二季五谷不登秋冬大水鹽

大貴

流星抵張巫咸曰厨宰受賜

彗孛出張石氏曰天下乱王者徙宮天下半亡人民惶不能

聊生甘氏曰其國內外用兵有水灾乙巳占曰彗孛出張大

旱米石三千文

彗孛犯張天下半死

彗孛出間張狀如坎火熒惑之变也為兵灾

雲氣干犯占

蒼白雲氣入張中触廷客有憂度禍除

赤雲氣出入張天子用兵賜物

赤雲氣波揚入張天子宫中火灾

白氣入張大客至有兵憂

黃氣潤澤入張天子因喜賜客

黑氣入張徘徊而散其分有水灾

赤黃氣入張有憂出張天子用兵

黑氣入張而轉繞之或如刀如劍刺之天下防客



黃白雲氣出天子使人賜諸侯

### 翼宿總敘

翼二十二星曰化宮一曰天都市一曰天除一曰天旗土星也  
是為朱雀之翼為天之樂府主和五音調六律五樂八佾以  
御天宮實為南宮之羽儀文物声名之所豐茂主三公化道  
文籍及蠻夷遠客負海之賓俳優狄鞮戲娛之事其北十三  
尺為日月五星中道其星光明有叙則君明臣賢禮樂與天  
下平四狄率服星暗大小失次則帝王失禮正道衰微動搖  
則蠻夷使來就聚則天下相伐移徙則三公奔離散則民流  
失色則日月五星亂行星亡則化道不行文籍壞滅明大芒

動則王者用兵征伐四方

### 日月變異占

日在翼食大臣相譖正言者亡不出其年黃帝占曰歲旱石氏  
曰王失禮宗廟奸臣得志化道不行文籍壞

日暈于翼禮樂壞弛人主惡之

月在翼食忠臣誅一曰正言者殃北夷有兵女主亂化道不行  
文籍壞滅一曰婦人多疾一曰后失寵蜚虫多死一曰將軍

亡

月暈于翼郝萌曰大旱有大風女主惡之黃帝占曰士卒多道  
走陳卓曰士卒大盜亡其將荊州占曰天下兵起庾兵悉出



一曰有軍、罷巫咸曰士卒大聚有大戰民去室宅車馳馬  
走貴人多死京房曰在外失偏將天文論曰多風霧却萌曰  
月以二月暈翼則五月有赦

月交于翼月內有獻異鳥來國

月宿翼而霧女主惡之

月五星干犯占

月犯翼太常官憂一曰其分兵起有喪却萌曰有兵大臣戰死  
又曰女主惡之一曰相傳命一曰蛮夷兵起蜚虫死黃帝占  
曰忠相譖言正事者亡

歲星守翼王道大異賢臣進用久守之五谷不成人流亡石

氏曰有兵若大水一曰川枯不通一曰木守翼有賢臣出  
佐主一曰聖人起伐無道荆州占曰文術用天下安乙巳占  
曰歲和豐却萌曰木守翼南六畜貴守東魚鹽貴守  
西不占守北五穀災海中占曰木處翼東九器貴處南  
車馬貴

木星逆行翼其君好淫樂佚遊致患

木星逆行入翼甘氏曰有海客却萌曰海有急國憂

木星出入留舍翼荆楚有急多豹六十日不下小民失工却萌  
曰其國亡地六千里

木星入翼石氏曰五穀以風傷期一年犯之則人流亡期在中



木歲

熒惑守翼天子懦弱臣不用命五穀不熟久守之人飢魚鹽貴  
甲兵聚人多死石氏曰大旱萬物不成天下脩兵一日先水  
后旱布縷大貴所賜不時人病頭目郗萌曰有反臣陳卓曰  
多盜賊川谷不通民交惡一日有大風有急事南官侯曰  
谷貴民流蛇龍見有亡國一日佞臣亂政車騎大集歲多  
風雨一日負海國未獻奇禽

火星入翼荊州占曰四海大兵民飢無食車騎何極民無所息  
郗萌曰天下有急國憂陳卓曰將軍為亂南官侯曰魚鹽倍  
貴一日國有大滯民勞石氏曰火入翼守之四月楚君死十

日相死

火星逆翼不出其年兵起天下大擾荊州占曰邪臣專朝政亂  
忠臣不進一曰有火災留之二十日以上國有大喪

火星留翼南官侯曰臣下滯佚

火星出入留舍翼郗萌曰使者有急事兵起不用於外地逆行  
成勾己不出九十日兵起國亡

火星犯翼兵大起犯而守之臣下逆命天下大亂大飢大疫兵  
大戰四海涵有亡國死王

鎮星守翼君明臣良六合同風天下和平禮樂大興守之一  
年歲豐十年若失行或变色則有土有反臣中兵起



多水灾萬物不成乙巳占曰土守翼后夫人有喜與  
火同占

土星逆行翼女主乱朝土逆行守翼有反臣中外兵起

太白守翼石氏曰萬物不成人流亡巫咸曰有反臣中兵起一

曰臣子有逆君者石氏曰太白守翼三日以上臣却萌曰四

夷兵起五谷風傷民多疾一曰魚鹽貴玉曆曰有急事有大

風齊伯占曰臣不奉令人主憂黃帝占曰有易伐臣行令主

起四方

太白入翼荊州占曰天下兵塞

太白出入留舍翼大風起大水出却萌曰君不平

太白舍翼却萌曰有客兵舍左旱右兵起

太白去翼一尺海中占曰太白陰也翼陽也陰來附陽秦當朝

楚

太白犯翼四夷兵起民疫死有大風五谷傷若勾己環繞之臣

奪主國

辰星守翼魚鹽貴守其南牛畜貴守其西金玉貴守其北五

谷貴一曰貴臣憂失民飢流亡石氏曰辰星守翼水入火逆

行必有水旱之灾天子臣俱憂又曰萬物不成鹽鉄貴

牛馬行甘氏曰大水兵起辰星色白京師兵起色黃事

成色黑事不成海中占曰大水一曰多火灾在方却萌曰近



臣為亂有亡國民流千里龍蛇出見陳卓曰王者有疾期不出其年中一曰權在臣下歲多大風乙巳占曰大臣憂星入其度當位宜退

水星入翼中兵大起

水星犯翼兵亂陳卓曰其地荒

辰星一年不出于翼軫之間有大旱人主憂

辰星之翼有賢臣在民間

水星與晨見東方夕見西方大臣誅者一曰同西方大臣憂翼大臣之象晨見大臣有誅死

客星流星彗孛干犯占

客星出翼石氏曰君遣使人于負海之國巫咸曰將軍反兵

起大戰同姓諸侯有自立者又曰邊將有大急天下有水大

傷五谷人流亡去其期三年

蒼星出翼五穀豐稔

客星犯翼乙巳占曰國有兵大臣憂遠期百八十日與流星同

占

客星入翼石氏曰負海國有使來荊州占曰大臣憂死

客星出入翼多風雨河決水且至道不通五穀不成人

流亡

客星守翼多強臣君弱四夷不王却萌曰將軍反一曰



國更服一曰邊臣大急一曰兩傷五谷大風為灾名山崩荆  
州占曰大飢南官侯曰權臣死羽毛旗幟貴乙巳占曰灾旱  
大水决溢道路阻塞

流星犯翼國圍受兵大臣憂遠期百八十日秋冬犯之土  
工與

流星入翼負海國使來貢奇禽色黃即至色青道病色黑道  
死一曰流客星入翼有賢士人見一曰貴臣有囚死者

流星抵翼天子下尊諸侯期百八十日  
流星經宿翼声如雷禁中兵起軍破民流

流星出翼有兵出一曰天子使、出求賢乙巳占曰滿國受恩  
有兵君有喪所指有降者

彗孛出翼礼崩樂壞國兵戈乱起乙巳占曰其國以水飢人  
流亡期五年

彗孛犯翼有兵人主出降期一年一曰天下皆諸侯為上國有  
大喪人主亡兵大起

彗孛出翼軫之間有大喪人主死亡天下謀上有大兵期不出  
三年

雲氣干犯占

赤雲氣入翼有暴兵入國境

赤雲氣出翼其國兵随氣所之



黃雲氣入翼天子使于諸侯

黃氣潤澤入翼諸侯未貢物

黃白氣入翼外入貢

蒼白氣入翼諸侯太常官憂

黑氣入翼正抵其星三夜不去宗廟有灾大人憂兵大起

### 軫宿總敘

軫四星曰天車主車騎任載盜賊戰伐之事亦為喪車輓輶之象主死喪四星天輔冢宰之官主察殃咎之凶灾水星也主凡其國右星北上十三尺為日月五星中道軫東一小星曰右轄西一小星曰左轄主同姓諸侯右轄主異姓諸侯一曰

北星曰轄南星曰膏皆去軫七寸一曰轄去軫五寸膏去軫一尺為常軫中一小星曰長沙為棺木主壽命又主囚亡軫星明大明則發駕車馬備用移徙則天子憂就聚則兵起動搖則車騎動轄星欲近軫去軫近則上下和睦遠則君臣相疑七寸以為近以上一尺為遠轄欲小而明不欲大而明小而明則國祚安明而大與四星等則兵大起微暗諸侯有憂星亡則天下傾轄進退則車騎發復其所則車騎罷有兵在外而轄遠軫兵亦罷轄舉則南夷內侵動搖則兵車興長沙小而明則主壽微暗則國有憂明大與四星等則臣下謀逆兵亂乃生星亡不見則人主惡之



日月變異占

日在軫食貴臣亡后妃不安巫咸曰太子憂不則諸侯戮海中  
占曰侯王將相有殃甘氏曰戒在主車駕之臣一曰  
國有喪

日暈于軫王者惡之一曰內兵起太子憂

月在軫食貴臣死后妃不安一曰其分有不從令者却萌曰車  
騎發又曰主車駕之臣有黜者

月暈于軫黃帝占曰大將戰死一曰兵起歲旱大風傷  
物却萌曰先起兵者不勝武密占曰大臣黜一曰諸侯盜  
兵夷狄入境

月暈圍軫三重戎狄滿野庫無留兵廐無繫馬

月暈軫及角大赦飢賑

月以正月暈軫却萌曰大飢公子死車貴

月以二月暈軫及角五月大赦

月以四月暈軫天子有德令

月以十二月暈軫內兵盡出有兵在外則罷月宿軫為

風起

月五星干犯占

月犯軫兵車用却萌曰其國有憂有大喪乙巳占曰車騎出期

一年



月入軫中大風為敗

歲星守軫國有病及喪亡甘氏曰國君有疾脩宗廟海中占  
曰主車官有罪郝萌曰有土工旱萬物不成人飢一曰舟楫  
不通一曰木守軫處其南六畜貴處其北谷成處其西水災  
有女喪處其東米貴石氏曰木守軫吉久守則大有大喪郝  
萌曰木守軫七日不移則有赦

木星入軫中天下多死喪國兵大起荊州占曰其分將死

木星犯軫巫咸曰民多病憂火災天文論曰人主忌之宜脩廟  
發赦令以解之海中占曰天子不恤孤老大臣背叛師旅大  
起又曰主車官者有罪

木星在軫王者憂病疾國有喪不出九十日居其東米貴居其

西有水居其北多病疾居其南車貴

木星逆行軫多火災郝萌曰人君服喪不謹貴親主之七日不  
移若逆行至軫而守之其國有喪君憂守之七日不移有殺  
逆之事

木星逆行入軫中若守之兵大起有大水大旱人疾疫天下更

主期二年

熒惑守軫兵起將軍憂天子代立石氏曰有兵天子車駕  
凶若有病大臣戮死青絳白梟皆貴郝萌曰有反臣中  
外兵起荊州占曰有戰天子軍敗巫咸曰旱川枯不通



萬物不成多病居其北人多死火以十月守軫三十日以上  
兵大起騎悉發若入居軫中天下人盡供軍事無居家者芒  
角赤怒天下困

火星入軫兵起石氏曰楚君死甘氏曰負海主來侵郗萌曰大  
水車貴陳卓曰國大喪軍死南官侯曰水旱並起天下擾動  
妖言無實國政數改士疲卒勞將有咎天文錄曰將軍為亂  
一曰邊兵起

火星出軫南人多病出其北人多死郗萌曰火出軫陰兵起出  
其陽乍東乍西遠去之其國小憂去而復還國有大憂近期  
一年中半年遠三年

火星行軫左負海國有殃行軫右中國有殃

火星逆行軫多火災

火星逆行入軫名曰經天國敗人亡哭声滿野其分尤甚

火星自兩角逆行至軫天下道絕不通行出其南人多病出其  
北人多死出其陰國戰勝出其陽、國勝

火星在軫不可為人之客者有恙殃當死

火犯星軫大臣受戮誅死

火星守軫環繞之成勾已天下兵起主命者惡之一曰大臣欲  
謀君大人憂不出其年若入軫中有憂亡國也

鎮星守軫甘氏曰土工與有白衣會國亡地不出其年石氏曰



兵大起守之五谷傷荊州占曰后憂

土星入軫中若守之兵大起國有憂川水竭禾稼死人飢流亡  
期三年一曰土入中有起兵者自敗

土星逆軫石氏曰女主持政有喪不謹其貴親坐之

土星起角逆行至軫其下國戰不勝

土星出入留舍軫大旱五各傷六十日不下河江皆竭不出三

年有大喪

土星出軫而留守之大旱大飢兵起

土星犯乘軫國多死喪有工土兵起人主惡之

太白守軫黃帝占曰將軍為亂車騎大發甘氏曰將軍憂海中

占曰四夷兵大起南官侯曰亡地千里有大喪有謀伐上者

却萌曰有死喪吳楚有憂

金星犯軫將軍為亂臣謀君貴人死于兵去一尺天下大飢期

不出百八十日一曰兵起西方

金星入軫兵大起國易政士卒還將軍受封乙巳占曰有自來

侯王受命于王者

太白出入留舍軫秦兵入楚國亡地有死君

太白逆行軫其國亡地逆行入之亦曰經天其國兵亂積尸如

山

辰星守軫水傷五谷黃帝占曰天下大疫貴人多死國有喪石



氏曰萬物不成一曰有反臣中外兵起一曰車騎用執法臣  
凶玉曆曰天下人多疫死北方尤甚

水星入軫兵大起

水星入軫中而守之兵起大戰破軍殺將天下驚駭守之二十  
日以上赤色芒角數十萬人戰有流血積骨其餘殃不盡為  
大水飢灾崩河决期二年

客星流星彗孛干犯占

客星出軫輕車出石氏曰天子賜人以車賜諸侯一曰白衣自  
立大國有喪兵起有亡君期不出一年遠三年

赤星出軫國兵亂

客星入軫輕車入諸侯有使來以車為幣殺却萌曰土工與五

谷大貴或曰無患如車留為

客星守軫天下人灾兵起車馬有急行一曰車馬貴石氏曰川

谷不通甘氏曰有國自立者一曰小國自立大國多害一曰

天下有名山崩大川溢出地齊土工米大貴边地有大兵軍

吏憂星色赤黃有外憂蒼黑内有說臣

客星犯軫車馬貴海中占曰有兵喪一曰边兵起

客星入軫犯長沙天下无处士有逝王出之則兵散

流星犯軫有大喪兵起庫藏空春夏犯皮革貴秋冬犯水旱不

調



流星出軫內使出入軫外使入以色占之

流星入軫其國兵起有喪色赤黑大臣憂色白相死近期半年

遠一年

流星入長沙天下有兵逃亡無地

彗孛出軫天子崩兵滿宮闕一日臣犯上天子兵起三公有與

主共死者一曰天下有走王巫咸曰民無定居期三年中四

年遠五年

彗孛犯軫天子兵起有大喪近期百八十日遠一年

赤彗犯軫人主以礼無失國

雲氣干犯占

蒼白雲氣入軫王者不可行幸官觀出之其禍除

黃白雲氣入軫潤澤諸侯入貢以車為幣出軫天子以車賜諸

侯

赤雲氣入軫兵從中起

赤雲氣如波揚入軫車庫火災兵且起有大喪

蒼雲圍軫國之將危亡

赤雲氣入軫大喪

赤氣入軫將出兵行

黑氣入軫大人憂人主病

黑氣如鼠入軫中天子有墜車墮馬落床之危



黑氣四散入軫若回繞之天下大水車不用

亦廉入神入人夢入主

亦廉入神出文

亦廉入神大身

亦廉入神國之部

亦廉入神車火災且

亦廉入神兵中

亦廉

黃白雲廉入神

觀象玩占卷之十九終

觀象玩占卷之二十

經星三垣

太微宮垣總敘

太微宮垣十五在翼軫之北天子之庭上帝之所治一曰天庭

一曰保天五帝之座十二諸侯之府其外蕃九卿也軒轅為

權太微衡者主平之器太微明天子常治理法平辟命功授

德列宿之所受符諸神之所考舒情稽疑順時施化以應天

下之所也巫咸曰太微土官也黃帝占曰太微東西蕃各四

星南北列西蕃南端第一星為上將北間為太陽西門北

一星為次將北間為中華西門北一星為次相北間為太



陰西門北端一星相東蕃四星亦南北列南端第一  
星為上相北間為太陽東門北一星為次相北間  
為中華東門北一星為次將北間為太陰東門北  
端一星為上將其南蕃兩星東西列西星為右執法  
東星為左執法兩執法之間太微天庭端門也右執  
法門西為右掖門左執法東間為左掖門右執法御  
史大人之象左執法廷尉之象主刺奸去西十星齊  
明則將同心天下治安差矣則輔臣乖違不明則臣  
失職動搖諸侯謀天子芒角則大臣專恣執法怒則  
威刑急移徙則刑罰不中

月五星干犯占

月入太微荊州占曰宮中有亂有所犯則隨其所中之官命之  
黃帝占曰大臣憂亦為后族擅權郤萌曰君弱臣強四夷  
兵起有奸人伺主之庭亦曰有喪

月入太微中四夷有詐不可信一曰有欲不受命者又曰大臣  
死不則有憂

月入太微中華東西門若左右掖門而出端門皆為有反臣五  
星同占

月入太微西門而出東門人君不安大臣假主威而不從  
主命



月入太微中華西門出中華東門皆為出令

月入太陰門出太陽東門皆為大亂有喪若大水

月入太微庭有所干犯皆為臣下謀逆宜急求賢人輔用

月入西掖門犯天庭出端門臣伐主

月行左右執法大臣憂相繫獄而死免者少

月行太微中出東掖門為相受命東南出海事也西掖門為

將受命西南出刑事也五星同

月貫太微中而東出大臣出侯王入為主出其中門臣不

臣

月犯太微四輔、臣誅犯執法誅從其所中命之五星

犯同占

月暈太微天庭天子發兵自衛三暈之天子自臨兵以行有急

謀若在軍中天子忌之

月食太微中若端門之中天下兵起大亂將相皆有憂天子國

亡

歲星甲子日以入太微天庭中天帝所使也不以甲子日非帝

所使也黃帝占曰木入太微色白潤澤期百八十

日有赦齊伯占曰木入太微由軌道而出諸侯有

受封者

木星東行入太微出東門天下有急兵東行入太微庭歲



不登人民飢若相守之將相大臣御史有死者若入端門守  
天庭大禍且至入南門出東門大旱五星同

木星從太微南門入而逆行西門出國有大水

木星逆行入太微玉曆曰強臣凌主諸侯兵起

木星入太微從右入番七日以上人主憂留二十日以上人主

大憂有死喪

木星犯太微執法大臣專命

熒惑入太微天下不安其氏曰臣謀主一曰有立王一

曰宮中有亂又曰賊入宮一曰火入天庭天下飢一

曰后三年有喪火入太微色白澤潤期百八十日

有赦五星同

邾萌曰火入太微留十日以上有赦河圖帝覽嬉曰火番

正太微中為兵荊州占曰火入太微番二十日以上廷

尉坐之天下大憂

火星入太微庭中春秋聖符曰地族相攻天子憂荊州

占曰天下驚有兵人主不安其宮一曰主命無期一

曰大臣死臣多不軌天下倉閉人不得命天下飢番

止之人主有大憂

火星入太微至屏南而出門扉左右將死

火星犯太微左右執法及四輔不誅則死各以所中命之



火星犯太微右星大將死犯門左星次將死大臣憂執法者諸

火星犯太微東南陬星天下大飢近期一年遠五年

火星入太微出左掖門左將軍死出右掖門右將軍死出

端門有反臣一曰火入太微南門執法有大事出左掖

門大臣誅

火星以丙子日順入太微庭中天帝所使也入而順去之不留

者為殃若非此日各以其占言之荆州占曰火入太微從右

入留七十日以上人主死

玄冥占曰火入太微無所犯順度而出左右掖門視其所之野

天子謀之

熒惑恒以十月十一月入太微天庭制而出行列宿伺無道之

國罰無道之君失禮之臣出而有所紀皆為天子所誅若守

宮三旬必有赦期六十日

火星入太微端門臣謀逆若留止門外大臣戮死火守太微庭

中人主惡之

火星守太微垣門外之左庭尉有事守門外之右丞相御史有

事守端門中二十日臣作亂主出走

火星守左掖門左將軍死守右掖門右將軍死大臣有憂

火星守太微十八日諸侯三公有謀上者一曰有戮臣有



亡國

火星逆行入太微兵喪並起王者惡之若環繞勾己之天下  
更紀

火星逆行犯上相天子戰于野上相死

火星逆行天庭中不雷天下有獄

火星犯太微庭中有立國者徙王

鎮星犯太微庭女主持政強臣執權一曰亡君之戒

土星入太微中大人憂一曰有德令

土星入太微天庭中天下驚有兵色白潤澤則有赦

土星入太微有所犯乘守皆為天子所誅大臣

土星入太微天庭中留七十日以上人主憂之

土星入太微從右入七日以上主憂

土星入太微中華門西出中華東門為奪主命出令

土星入太微西掖門出東掖門君不安

土星入太微太陰西門出太陰東門天下大亂有喪且有大水

五星同

土星守太微石氏曰有亡國易世立王

土星入太微留守之三十日已上黃帝占曰有革命大赦天下

土往來勾己太微庭中君臣俱憂

土星逆行太微天庭四輔右左執法而還繞守之所當者死亡



期一年  
太白入其四轉亦云將去四星勢入其四轉亦云

土星逆天庭后妃貴臣有匿謀

太白以庚子日順入太微天庭中天帝所使也不以庚子日入

非天帝所更使也

太白入太微行庭中天子宮門閉大將被甲大臣誅死司馬彪

曰有太兵入天子庭荊州占曰近臣起兵一曰人主自將又

曰丞相御史廷尉有憂却萌曰天子之庭太微西蕃第一星

東下是也五星皆不當行其中石氏曰太白入太微留守之

及有凌犯皆為兵喪

太白入太微出左掖門大將出東南伐出右掖門大將出西北

伐皆不出其年

太白出左右掖門出太陽東門強誅

太白入西華門出東華門大臣作亂謀其主若諸侯不

從王命

太白入太陰西門出東門天下太亂主死宮破有大水期一

年

太白入天庭中臣相殺國有恐荊州占曰太白血西方北方入

太微西陽南星為西方入二星之北為北方皆臣弑主之候

也若犯妃帝座則事成不成犯不成視其出所止留之宿占

其所之國



太白羸而北入太微大兵將入天子之庭出太微則宮中有兵

太白順行當太微端門受制當左右執法受事留太微門三日以下為受賜三日以上為兵為亂為賊為飢也

太白犯太微主命奪以其所中者為天子誅伐臣下

辰星以壬子日順入太微天帝所使也不以壬子日入非帝所使則為殃咎

辰星入太微荊州占曰人主不安其宮天下驚有兵一曰天下有聖女子陳卓曰天子宮中群臣相殺后宮有憂一曰大水傷人物期三十日

水星入太微端門守天庭強臣奪主位水入太陰門后宮破若有大水期百八十日

水星入右掖門而出東華門天下有憂

水星入太微門從東門出皆為天子有兵喪大水若宮中有水湧地陷之災

辰星出太微宮內亂天下當之陳卓曰辰星出天庭中君臣相殺且有大水

辰星犯左右執法若守之皆為兵起有赦犯四輔：臣誅若死喪以所中命之

客星流星彗孛干犯占



客星出太微天庭有奇令陳卓曰有兵喪黃帝占曰人主憂臣  
謀反兵起宮中一日執法臣有戮者海中占曰兵大起大水  
入城郭若有所犯守各以其所者命之  
客星出太微而番三十日以上君死國亡以其所出日辰占國  
赤星出太微有立王一曰有徙王宮有大兵大起

客星入太微端門而出西門天下大水大飢入端門而出東門  
天下大旱五谷不成

客星入端門而復出端其國有患天下亂以色占之

客星入端門出左掖門其國憂大旱出右掖門其國大亂大  
水石氏曰客星入端門臣謀叛主命

客星入左掖門出右掖門國有客入左右掖門而東門國有大  
喪貴臣有死者

客星入右掖門而出端門小國亡左掖門其國有小事出東門  
大國亡仍出右掖門國有客為刑事出西門大國  
以徵亡

客星入左掖門出端門國滅亡仍出左掖門其國大傷  
出東門有大喪出右掖門有大逆不道出西門國流  
血百里石氏曰客星入東西門而出左右掖門其國  
兵出幸臣誅死

客星入東門出端門其氏曰國有憂出左掖門其國亡出西門



國憂荊州占曰出東門有大喪黃帝占曰入東門出西門  
大國以微弱而亡

客星入西出端門甘氏曰國大亂邾萌曰五谷不成

客星出左掖門臣不用命

客星出東門國多不祥

客星出右掖門國大敗仍出西門有兵

客星入太陰門后宮有賊一曰兵起天下動

客星入太陰西門出太陰東門大水天下亂

客星入太微中乙巳占曰兵大起有賊客入國守之十日不出

其灾成在男為陽在陰為女不出一月

客星入太微色白潤澤有赦色青赤黃火大起有賊客入國兵

大起

客星入太微中十日成勺已天下有大赦奴婢下賤人妻妾長

傭期六月荊州占曰客星入太微中十日宮中有自殺者在

帝座南為男在帝座北為女二十日有赦

客星入太微中守天庭三十日宮中有賊大人憂之在陽為人

君在陰女主當之玄冥占曰客星來入天庭后族為亂宮中

有伏兵荊州占曰客星色正赤入太微廟庭中兵起

客星入太微有所犯中者有殃

赤黃色狀如箒色潤澤入太微天子納美女出之天子以美



女賜諸侯

荆州占曰客星在太微庭有一星天子自將兵出有二星天下無主有三星天下散亡

流星出太微端門者天子使也以所之野命其所往之國星來為使命以五色言其事及其言凶期不出三年

流星出太微東西門臣為亂大兵起貴人多死近期一年石氏曰流星出太微兵起大將出

奔星出太微中有立王若徙

流星出太微南門貴人死者其數多則死者甚衆

流星入太微有內亂兵起近西相也近東將也石氏曰流星

入太微庭避之吉不避者危所謂避者從左來避之右從右來避之左也一曰流星入太微庭中外國以急有使來不出其年

流星入太微東西門大兵起大臣為亂貴人多死若有謀期一年中二年遠三年

流星犯抵太微四輔左右執法各以其所中者言其死以其日命國不出三年

流星縱橫經行太微中主弱臣強四夷不服

流星出太微光照有聲立王有失國之君

流星大而赤狀如浮舟數出入天庭有賊臣欲謀人



主戒出游

彗孛入太微天子犯后其宮人不安主憂掃之天子國  
亡

彗孛犯太微天下亂有兵喪大人惡之以色黑六年為  
死亡

彗孛干歷太微所歷者亡

彗孛如粉絮入太微守帝座國有大喪大臣立天下亂大  
兵起有所犯各以其宮命之

彗孛出太微天子亂宮中火災兵起大人死國易政以  
色占期

凡彗孛干犯天庭皆為天下革命

雲氣干犯占

太微垣中有雲氣如鳥諸侯謀為天子有中人應者

赤雲氣出太微兵起一曰有立王

赤白雲氣出太微宮如旗有光人主壽昌

赤雲起五帝座徑出南門者不出九十日人主失其宮

天下不安

赤雲出左右掖門兵起將憂

白氣若黑氣如蛟龍如蛇周章繞太微庭而入之臣

弑君也



氣上赤下白大如井口從<sup>外</sup>入壓太微庭者而入之邪臣之  
氣旁白而中赤者近臣欲為逆直者貴臣之氣  
黃白氣如蛟龍及蛇行在太微宮闕上有白衣之會若環繞  
太微天庭則為逆死喪赤黑者青氣同此皆亂臣說  
亦賊之氣也

雲氣如馬在太微中有奸臣在宮中通外謀  
虹蜺入太微有謀逆者視其所起者占之

漢昭帝始元中<sup>漢</sup>年太白入太微西蕃第一星北出  
東蕃第一星北東下去太微者天庭也太白行其  
中宮門當閉大將披甲邪臣伏誅其后左將軍桀

驃騎將軍安及長公主燕刺王謀作亂皆伏誅

哀帝元壽元年十一月歲星入太微逆行犯右執法占  
曰大臣有憂執法者若有罪二年十月戊寅高安侯  
董賢免大司馬歸第自殺

王莽地皇四年秋太白在太微中光燭地如月占曰太  
白為兵太微為天庭太白羸而入地太微是太白將入  
天庭也是時莽遣兵至昆陽為光武所破漢將鄧  
禹進攻京師十月殺莽大兵陷籍宮庭之中更入長  
安復散赤眉

安帝元興三年正月熒惑逆行犯太微上相占曰天子戰



于野上相死是歲刘裕討桓玄、劫天子如江陵五月  
羨軍破滅之

天儀心是執斧靈女至品斯為去疾而如對射  
白帝心大端為天儀太白靈心入此大端是太白  
王莽心皇四年妹天白帝心大端中火起此月占曰  
董賢受大和馮獻策自終  
身命示表下年十一月歲星入大端並行此占  
觀象玩占卷之二十終

觀象玩占卷之二十一

紫微垣宮總敘

紫微宮垣十五星東南列以衛北極為蕃屏之臣東蕃八  
星西蕃七星在北斗之北太乙之常居土官也一曰垣  
一曰天營一曰旗星旗南兩蕃兩星之間如開閉  
之象者謂之間闔門東蕃近間闔門第一星為左  
樞第二星為上宰第三星為少宰第四星為上輔  
第五星為少輔第六星為上尉第七星為少尉第  
八星為少丞西蕃近間闔門第一星為右樞第二星  
為少尉第三星為上輔第四星為少輔第五星上衛第





六星為少第七星為上丞垣星欲其均明大小有常則吉盛  
明則臣強不明則臣失職垣直則天子自將兵不明則兵起  
客星流星彗孛干犯占星

客星出紫微宮中開元占曰天下大亂臣殺主一曰天子  
家有兵喪

客星入紫微宮中有大變兵起主憂

赤星入紫微垣中天下亂兵入天子之都列大夫多死者入  
其旁多亂臣

赤黑星入紫微垣從陽入有客兵期六十日從陰入  
有走王

黃星入紫微垣天子有得地之喜

客星犯紫微垣有喪以所中命之

客星守紫微垣國易政一曰有不臣之臣

客星入紫垣微宮中黃帝占曰有大喪大兵起將軍有戰死者

期三年石氏曰臣犯主天下多死者又曰使者來復命也色

青黑使者有憂一諸侯有使來以所起占其國以色言之其

吉凶荊州占曰使星入紫微宮匈奴起兵亦為水旱不調陳

卓曰有奇令天下亂

流星赤黃有光入紫微宮為大喪

流星橫紫微宮垣使還來見期三日內



流星從紫微垣宮闔闔門出者天帝之使也視其所造  
野當有中使御命從星所之視其色以占其所將之  
事也青言憂白言羨赤言兵黃言土工若土田事黑  
言水若死喪事星大則其事大星小則其事小荆州占  
曰流星自西門出有天子使也其入則為使不從門出  
入者內則后妃諸王外則蕃國使也出則使出入則使  
入隨色占之海中占曰大流星出紫微垣天子出走不則  
宮中有徙室期三年

彗孛如掃紫微宮天子宮中有亂其出也國去其君  
彗孛如掃紫微宮若出之皆為除舊布新天下革命有

德者昌無德者亡

雲氣干犯占

雲氣狀如鷄雛出紫微宮中此子孫之氣也天子有子孫  
之喜

黃白氣入紫微宮建極星宮中有立侯王

黃白氣潤澤如刀劍入紫微宮中御女星上天子有男子喜

狀如蒂生女子

黃白氣正圓杯椀入紫微宮中有立侯王一曰天子得璧喜一

曰有進美女者幸臣為之一曰幸臣進美食也

赤黃氣潤澤者入紫微宮王子得寶劍



赤氣入紫微宮或指之燕兵入天子庭乙巳占曰內亂有

立王

白氣入紫微宮中有大憂出之禍除

蒼白氣如走獸入紫微有反者若入犯諸座天子惡之

黑氣入紫微宮中有病死喪入紫微兩蕃兵大起

紫氣入紫微宮天下亂

赤星黑氣若蒼白赤雜色狀如蛇蛟如龍在紫微庭中宮闕上

者必有白衣之會若徘徊周章環繞紫微宮而入之則為

臣殺主奸臣亂賊之氣也與太微宮同占

黃白氣狀類走獸氣鳥如龍如鳳出入紫微宮天子有喜

黃白氣如獸出紫微宮天子以畜賜諸侯王若自外入之則有

貢奇獸者

黃白氣如旗有光起紫微宮中天子有大喜延年益壽也

赤黃氣出紫微宮有立王

赤黃氣出紫微宮東蕃天子用錢賜諸侯王一曰有兵起

赤黃氣如芻出紫微宮中天子以金錢賜妃妾

赤氣入紫微宮中兵大起

白氣出紫微宮有喪

虹氣入紫微宮中所起之野有叛逆兵起

漢和帝永元十六年四月丁未紫微宮中生白氣如粉絮后年



帝崩

晉懷帝永嘉三年正月庚子熒惑犯紫微宮占曰當有野出所失之位又為火燒宮室是時太史令高堂冲奏乘輿宜遷幸不然必無洛陽五年六月劉曜王弥入京都焚宮廟執帝于陽

晉懷帝永嘉末熒惑入紫微宮占曰當有野死之王又為火燒宮闕其言卒驗此以理推之可以數通也

紫微垣宮在北極三十六度之內日月五星所不至若有入其中者皆為失行當有改姓易王亂兵並作之應占書不具載者亦為非常之變也

天市垣宮總敘

天市垣二十二星在房心東北一曰天府一曰長城天子之市也主權衡主聚衆一曰天旗庭天子之旗幟主斬戮之事又曰天市者都市也天下之所會者也石氏曰天市垣二十二星主四方邊國門左一星宋也次衛次燕次東海次徐次泰山次齊次河中次河次趙次魏次中山次河間右一星韓也次楚次巴次梁蜀次秦次周次鄭次晉其色芒角動搖而光色異常即為其國有不臣有叛謀微小失色則為其國弱黃帝占曰天市垣星欲其明光潤澤則吉其星不明若市中星少



皆為歲虛五谷傷米貴大飢石氏曰天市星明則市吏急商人無利不明則市吏弱商人多利郝萌曰天市星明大則粟賤其中小星多則民富之一曰垣星芒角赤色則主市之臣叛

月五星客星流星彗孛干犯占天市中水民火豔火躔火月入天市大將死國易政一曰有更弊之令海中占曰近臣有坐罪者一曰女主憂兵起大臣有戮于市者一曰粟貴

月犯天市其所之地有殃東北一曰天市一曰身天市月暈天市兵起

月乘天市兵大起大將死粟貴

五星入天市將相有憂黃帝占曰兵大起一曰更弊乙巳占曰將軍凶一曰五官有憂一曰有赦

歲星入天市巫咸曰諸侯有戮者海中占曰市驚有易市木守天市石氏曰諸侯相謀國有憂兵郝萌曰五谷大貴乙巳占曰吳者吉

受惑入守天市黃帝占曰天下兵起刘向洪範傳曰有不忠之臣戮于市者郝萌曰有火災有徙市

火星入天市勾己環繞之天下惡期十月石氏曰都邑有兵其氏曰弊乱人憂海中占曰天子失廷郝萌曰火入天市是謂



受谷天下大飢米大貴荆州占曰大将死天下有金錢之徵  
又曰市有驚亂却萌曰火當天市門而止米貴五倍若入  
市門中貴五倍入逆而守之貴十倍天下大飢一曰火居  
天市中民多訟

火星舍天市有芒角色赤如血三十日不去臣有謀主者  
鎮星入天市石氏曰女有憂米大貴守之其氏曰有訟事入  
市有戮臣留之百日失大将逆行入市有驚亂事  
太白入天市海中占曰國有謀將相有戮死者却萌曰米貴  
春秋文曜鈞曰市驚鈇鈇用兵大起一曰大臣有謀太白  
入天市而守之相坐之一曰兵起貴人憂

辰星入守天市蛮夷之君死一曰市驚有更市

客星入天市兵大起大臣誅色黑市吏死青白市吏死  
以入日占國石氏曰客星入天市聚者皆兵起却萌曰  
市中有兵犯外城米貴居市大貴游旁小者亦曰執法令  
者死

赤星入天市天下人多棄市者

黃白星入天市番夫不边即有賜

黑星入天市番夫死

白星入天市中亂

客星犯天市所犯者坐之



客星守天市度量不平天下亂

客星出天市貴人多市死者

流星入天市石氏曰市吏有憂又曰大臣有戮于市者巫咸曰

度量不平執令者死

蒼白星入天市萬物貴

赤星入天市有火災疾疫

流星入天市而復出死罪復生

彗孛出天市內外豪傑俱起執令者死

彗掃天市民徙易都

彗犯天市地震以所犯者言之

彗守天市五谷大貴

雲氣干犯占

赤白氣入天市兵器貴一曰鈇鉞用如波揚入市有大憂

蒼白氣入天市中疾疫市吏遇賊則禍除亦為萬物賤

蒼白氣入天市有奇物自外入出之市奇物出又曰黃白氣入

天市天市壞畜夫死

蒼黑氣入天市中萬物賤一曰入之萬物貴出則萬物賤

赤氣入天市中市有火憂

赤氣入天市兵出弓弩大貴

黃白氣長如二三丈大繒恒禁天市中奇物神物出天子



有喜 身出二二天大動則集天市 中音音出出天

赤廉入天市中音出天大貴

赤廉入天市中音出天大貴 是之曰大臣有戮于市者出成曰

蒼黑廉入天市中音出天大貴 出天音出天音出天音

天市天市樂音天

蒼白廉入天市音出天自天入出之市音出天又曰黃白廉入

蒼白廉入天市中音出天音出天音出天音出天音

赤白廉入天市中音出天音出天音出天音出天音

雲廉千此古

觀象玩占卷之二十一終



